

# 四誓偈

我建超世願 必至無上道  
斯願不滿足 誓不成正覺  
我於無量劫 不為大施主  
普濟諸貧苦 誓不成正覺  
我至成仙道 名聲超十方  
究竟靡所聞 誓不成正覺  
離欲深正念 淨慧修梵行  
志求無上道 為諸天人師  
神力演大光 普照無際土  
消除三垢冥 廣濟眾厄難  
開彼智慧眼 滅此昏盲闇

閉塞諸惡道 通達善趣門  
功祚成滿足 威曜朗十方  
日月戢重暉 天光隱不現  
為衆開法藏 広施功德寶  
常於大衆中 說法獅子吼  
供養一切仏 具足衆德本  
願慧悉成滿 得為三界雄  
如仏無礙智 通達靡不照  
願我功慧力 等此最勝尊  
斯願若剋果 大千心感動  
虛空諸天人 當雨珍妙華